

ღონისძიება N1

„ახალგაზრდული ფორუმის“ ორგანიზება

შესყიდვის ობიექტი მოიცავს ქ. ბათუმის მუნიციპალიტეტის მერიის მიერ, ქვეპროგრამის „ახალგაზრდული ცენტრის“ ფარგლებში „ახალგაზრდული ფორუმის ორგანიზების“ მომსახურების შესყიდვას 2023 წლის დეკემბერში 1 დღით (ზუსტი თარიღი მომწოდებელს ეცნობება მომსახურების გაწევამდე არანაკლებ ერთი კვირის ვადაში), რომელშიც მონაწილეობას მიიღებენ ქ. ბათუმის მუნიციპალიტეტის ტერიტორიაზე მცხოვრები 14-29 წლის ახალგაზრდები და სხვადასხვა მუნიციპალიტეტიდან მოწვეული სტუმრები, სულ 50 პირი.

მიმწოდებელმა უნდა უზრუნველყოს:

1. ფორუმის ორგანიზებისათვის საკონფერენციო დარბაზის უზრუნველყოფა, ქ. ბათუმში, პირველ ზოლში; დარბაზი უნდა იყოს ადაპტირებული; გათვლილი 50 პერსონაზე. საკონფერენციო და სამუშაო სივრცე აღჭურვილი უნდა იყოს ერთი ლეპტოპით, პროექტორით, თეთრი დაფით და პროექტორის ეკრანით, შესაბამისი რაოდენობის სკამებით, სამუშაო მაგიდებით, ხმის გამამძლიერებელი სისტემებით (დინამიკები, მიკროფონი) და ინტერნეტით (საჭიროებისამებრ, ორგანიზატორებს უნდა ჰქონდეთ შესაძლებლობა ტერიტორიაზე საოფისე ტექნიკის შემოტანის. მაგ.: პრინტერი, ლეპტოპები, და სხვა);
2. ფორუმის მონაწილეთა ორჯერადი კვება 50 პერსონაზე (იხ. მენიუ 1, მენიუ 2);
3. ფორუმის ორგანიზატორის მომსახურების უზრუნველყოფა კაცი 1;
ორგანიზატორმა უნდა უზრუნველყოს ფორუმის ორგანიზებასთან დაკავშირებული ტექნიკური საკითხების გადაწყვეტა, მათ შორის ფორუმში მოწვეული მხარეების ინფორმირება; ერთ დღიანი პროგრამის შედგენა; სარეგისტრაციო ბმულის შედგენა; დარეგისტრირებული აპლიკანტების რეესტრის წარმოება; აპლიკანტებთან კომუნიკაცია, დეტალური საინფორმაციო პაკეტის შედგენა, პროგრამისა და დღის განრიგის გათვალისწინებით და ფორუმში მონაწილეობის მიღების მსურველ ახალგაზრდებთან გადაგზავნა ფორუმის ჩატარებამდე არაუმცირეს შვიდი კალენდარული დღით ადრე (პროგრამა და საინფორმაციო პაკეტი შედგენილი უნდა იყოს შემსყიდველ ორგანიზაციასთან შეთანხმებით); ორგანიზატორს უნდა გააჩნდეს ფორუმის ორგანიზების გამოცდილება;

შენიშვნა: სავალდებულოა, მომწოდებელმა შემსყიდველს წარუდგინოს - ორგანიზატორის CV; ფორუმის ორგანიზების გამოცდილების დამადასტურებელი დოკუმენტაცია (ცნობა, ხელშეკრულება ან სხვა).

4. ფორუმის წამყვანის მომსახურების უზრუნველყოფა. წამყვანმა უნდა წარმართოს ფორუმის მიმდინარეობის მთელი პროცესი წინასწარ შედგენილი პროგრამის შესაბამისად; მოამზადოს შესავალი სიტყვა ახალგაზრდულ სფეროზე და ეტაპობრივად ფორუმის მიმდინარეობისას ისაუბროს ახალგაზრდულ სფეროზე, გამოწვევებზე, ფასილიტაცია გაუწიოს სამუშაო ჯგუფს და მონაწილეობა მიიღოს ფორუმის ანგარიშის მომზადებაში. დასკვნით ნაწილში წაიკითხოს შედგენილი ანგარიში;
5. ფორუმის მონაწილეთა სასმელი წყლით უზრუნველყოფა, 0,5 ლ. ცალი -100;
6. მოწვეული სტუმრების სასტუმროში განთავსების უზრუნველყოფა, კაცი - 6 ორი ღამით. სასტუმრო უნდა მდებარეობდეს ბათუმის ტერიტორიაზე, პირველ ზოლში. სასტუმრო აღჭურვილი უნდა იყოს: ინდივიდუალური სველი წერტილებით, მუდმივი ცხელი და ცივი წყლით, ტელევიზორით, მაცივრით, ტელეფონით, გათბობა-კონდიციონერის სისტემით, უფასო, უსადენო ინტერნეტით; ასევე ჰიგიენის საშუალებებით (პირსახოცი, საპონი, შამპუნი-კონდიციონერი, სააბაზანო გელი), ფენით, ხალათებითა და ოთახის ჩუსტებით; სასტუმროში დაცული უნდა იყოს სისუფთავე, სასტუმროს ნომრები უნდა დალაგდეს ყოველდღიურად; თითოეულ სტუმარზე ყოველდღიურად უნდა იყოს არანაკლებ 0,5 ლიტრი სასმელი წყალი, ყავა, ჩაი და საუზმე; ოთახის მომსახურება უნდა იყოს 24 საათიანი; სასტუმრო აღჭურვილი უნდა იყოს, ასევე სხვა სახის მომსახურებებით: დაცვის სისტემა, ცეცხლმაქრი, დენის ალტერნატიული წყარო (გენერატორი), პირველადი სამედიცინო დახმარების აფთიაქი;

შენიშვნა: ღონისძიების ორგანიზებასთან დაკავშირებული ყველა დეტალი წინასწარ უნდა იქნეს შეთანხმებული შემსყიდველ ორგანიზაციასთან.

ღონისძიების „ახალგაზრდული ფორუმის“ ორგანიზებისთვის განკუთვნილი თანხა არ უნდა აღემატებოდეს 10 000 (ათი ათასი) ლარს.

ღონისძიება N2

„წლის შემაჯამებელი ღონისძიების ორგანიზება“

შესყიდვის ობიექტი მოიცავს ქ. ბათუმის მუნიციპალიტეტის მერიის მიერ, ქვეპროგრამის „ახალგაზრდული ცენტრის“ ფარგლებში „წლის შემაჯამებელი ღონისძიების ორგანიზების“ მომსახურების შესყიდვას 2023 წლის დეკემბერში 1 დღით (ზუსტი თარიღი მომწოდებელს ეცნობება მომსახურების გაწევამდე არანაკლებ ერთი კვირის ვადაში), შემდეგი ტექნიკური მახასიათებლების შესაბამისად:

1. წლის შემაჯამებელი ღონისძიებისთვის 50 ნაჭრიანი ტორტის უზრუნველყოფა (ტორტის დიზაინი შემსყიდველთან შეთანხმებით);
2. წლის შემაჯამებელი ღონისძიებაზე მოწვეული სტუმრების ყავით შესვენების უზრუნველყოფა, კაცი 50 (ორმოცდაათი) (იხ:მენიუ N3);
3. მიმდინარე 2023 წლის მანძილზე, ქვეპროგრამის „ახალგაზრდული ცენტრის“ ფარგლებში განხორციელებული აქტივობების ამსახველი მასალების გამოყენებით სარეკლამო ფლაერების ბეჭდვა ცალი 1000 (ერთი ათასი) ფორმატი (ზომა) - სტანდარტული 21 სმ - 14.5 სმ. ქაღალდი - მდგრადი; ქაღალდის ტიპი - პრიალა, ოთხ ფერში, ორმხრივი ბეჭდვით; ფლაერის დიზაინი, ბრენდირება და ტექსტი შემსყიდველთან შეთანხმებით;
4. წლის განმავლობაში ახალგაზრდული ცენტრის აქტივობებში აქტიურად ჩართული ახალგაზრდების წახალისების მიზნით საცურაო აუზის 1 თვიანი აბონემენტი, ცალი 15;
5. წარმატებული ახალგაზრდებისთვის მადლობის სიგელების დამზადებისა უზრუნველყოფა. A4 ფორმატის, ცარცის პრიალა ქაღალდზე, ცალი 15, ლამინირებით. დიზაინი და ტექსტი შემსყიდველთან შეთანხმებით;
6. ბრენდირებული ბლოკნოტების დამზადების უზრუნველყოფა. ბლოკნოტი მუყაოს ყდით, შიდა ფურცლები (წიგნის პრინციპით) ძაფით შეკერილი და ბრენდირებული, ფორმატი - A5. ფურცლების რაოდენობა არანაკლებ 40 (ორმოცი). ბლოკნოტში მოცემული უნდა იყოს ცნობილი ქართველი საზოგადო მოღვაწეთა, მწერალთა გამონათქვამები, მნიშვნელოვანი ფაქტები მათი ცხოვრებიდან. ცალი 50 (ორმოცდაათი). ტექსტი, ბრენდირება და დიზაინი შემსყიდველთან შეთანხმებით;
7. ბრენდირებული ბურთულიანი კალმების დამზადების უზრუნველყოფა, ცალი 50 (ორმოცდაათი). ბრენდირება შემსყიდველთან შეთანხმებით;
8. ბრენდირებული სამაგიდე კალენდრების დამზადების უზრუნველყოფა ხის სადგამით, ცალი 50 (ორმოცდაათი). ზომა - A5 ფორმატი, ფურცლების რაოდენობა - 13 (12+1), ბრენდირებული ყდით. ოთხ ფერში, ორმხრივი ბეჭდვით, კალენდარზე დატანილი უნდა იყოს ცნობილი ქართველი მწერლების, პოეტებისა და საზოგადო მოღვაწეების შესახებ საინტერესო ფაქტები და მათი გამოსახულებები; დიზაინი და ტექსტი შემსყიდველთან შეთანხმებით;
9. ბრენდირებული ლითონის ბრელოკების დამზადების უზრუნველყოფა. ზომა: 5 x 5 სმ. ცალი - 50. ბრელოკის ზედაპირზე დატანილი უნდა იყოს ცნობილი ქართველი მწერლების, პოეტებისა და საზოგადო მოღვაწეების გამოსახულებები, ხოლო ბრელოკის უკანა მხარეს მათი ცნობილი გამონათქვამები. დიზაინი, ზომა და ტექსტი შემსყიდველთან შეთანხმებით;

შენიშვნა: „ახალგაზრდული ფორუმის ორგანიზების“ და „წლის შემაჯამებელი ღონისძიების“ ორგანიზება უნდა ჩატარდეს ერთ დღეს ერთ საკონფერენციო დარბაზში. ორგანიზებასთან დაკავშირებული ყველა დეტალი წინასწარ უნდა იქნეს შეთანხმებული შემსყიდველ ორგანიზაციასთან.

„წლის შემაჯამებელი ღონისძიების ორგანიზებისთვის“ განკუთვნილი თანხა არ უნდა აღემატებოდეს 6400 (ექვსიათას ოთხასი) ლარს.